

# ԵՐԿՐԻ ՀՐՈՎԱՐՏԱԿԸ

## ՆԵՐԱԾԱԿԱՆ

Մենք գտնվում ենք Երկրի պատմության ճգնաժամային փուլում, երբ մարդկությունը պետք է ընտրի իր ապագան: Քանի որ աշխարհը դառնում է ավելի ու ավելի փոխադրված և փխրուն, ապագան ուրվագծվում է միաժամանակ և՛ մեծ վտանգով, և՛ մեծ հեռանկարներով լի: Առաջընթացի համար մենք պետք է գիտակցենք, որ մշակույթների ու ապրելակերպի հոյակապ բազմազանության հետ մեկտեղ – մենք միասնական Երկրի ընդհանուր ճակատագիր ունեցող միասնական մարդկային ընտանիք և համակեցություն ենք: Մենք պետք է միավորվենք, որպեսզի ստեղծենք բնության ու մարդու համընդհանուր իրավունքների նկատմամբ հարգանքի, տնտեսական արդարության և խաղաղության մշակույթի վրա հիմնված կայուն գլոբալ համակեցություն: Այս ձգտման մեջ հատկապես կարևոր է այն, որ մենք, երկրաբնակներս, հայտարարում ենք մեկս մյուսի, ամենայն շնչավորի մեծ համակեցության և ապագա սերունդների հանդեպ մեր պատասխանատվությունը:

### *Երկիրը, մեր տունը*

Մարդկությունը անընդհատ զարգացող ընդարձակ Տիեզերքի մասն է: Երկիրը, մեր տունը, ապրում և իր վրա կրում է կյանքի բացառիկ ընդհանրություն: Բնության ուժերը ապրելը դարձնում են վտանգավոր ու անապահով, սակայն Երկիրը ստեղծում է կյանքի հարատև գարգացման համար անհրաժեշտ բնական պայմաններ: Ամենայն շնչավորի համակեցության կայունությունն ու մարդկության բարեկեցությունը կախված են առողջ կենսոլորտի պահպանումից՝ իր ողջ էկոհամակարգերով, բույսերի ու կենդանիների հարուստ բազմազանությամբ, բերրի բնահողով, մաքուր ջրով ու օդով: Գլոբալ շրջակա միջավայրը իր սահմանափակ պաշարներով բոլոր մարդկանց ընդհանուր հոգածության առարկան է: Երկրի կենսունակության, բազմազանության և գեղեցկության պահպանումը սրբազան պարտք է:

### *Գլոբալ իրավիճակը*

Արտադրության և սպառման գերիշխող մոդելները առաջ են բերում շրջակա միջավայրի ամայացում, պաշարների սպառում ու տեսակների մասսայական բնաջնջում: Համակեցությունները քայքայվում են: Զարգացման հետևանքով առաջացող եկամուտը բաշխվում է անարդարացի և խզումը հարուստների ու աղքատների միջև աճում է: Լայնորեն տարածված են ու մեծ տառապանք են պատճառում անարդարությունը, աղքատությունը և զինված ընդհարումները: Բնակչության աննախադեպ աճը առաջ է բերել սոցիալական ու տնտեսական համակարգերի գերբեռնվածություն: Գլոբալ անվտանգության հիմունքները վտանգված են: Այդ միտումները վտանգավոր են, բայց անխուսափելի չեն:

### *Ապագայի մարտահրավերները*

Մենք կանգնած ենք երկրորդ համաշխարհային պատերազմի - Երկրի ու միմյանց մասին հոգալու նպատակով ձևավորել գլոբալ համագործակցություն կամ ենթարկվել ինքնակործանման և կյանքի բազմազանության ոչնչացման վտանգի: Մեր արժեքների համակարգում, սահմանակարգերում ու ապրելակերպում անհրաժեշտ են արմատական փոփոխություններ: Մենք պետք է գիտակցենք, որ հիմնական կարիքները բավարարելու հետ մեկտեղ մարդկության զարգացումը առաջին հերթին ենթադրում է գոյատևել ավելի երկար, այլ ոչ թե ունենալ ավելի շատ: Բոլոր մարդկանց կարիքները հոգալու և շրջակա միջավայրի վրա մեր ներգործությունը նվազեցնելու համար մենք ունենք բավարար չափով գիտելիքներ ու տեխնոլոգիաներ: Ժողովրդավարական ու մարդասեր աշխարհ կառուցելու համար գլոբալ քաղաքացիական հասարակությունը պետք է ստեղծի նոր հնարավորություններ: Մեր էկոլոգիական, տնտեսական, քաղաքական, սոցիալական ու հոգևոր հիմնախնդիրները փոխադարձ շաղկապված են և միասին մենք կկարողանանք մշակել ամբողջական լուծումներ:

### *Համընդհանուր պատասխանատվություն*

Վերոհիշյալ ձգտումները իրագործելու համար մենք պետք է համընդհանուր պատասխանատվության զգացումով ապրելու որոշում կայացնենք, մեզ համարելով ինչպես համաշխարհային համակեցության, այնպես էլ տեղական համայնքների մասնիկը: Մենք քաղաքացիներն ենք միաժամանակ:

մանակ տարբեր ազգերի և միասնական աշխարհի, որտեղ տեղայինը և գլոբալը փոխադարձ շաղկապված են: Յուրաքանչյուրը պատասխանատվություն է կրում մարդկային ցեղի և ավելի ընդարձակ կենսունակ աշխարհի ներկա ու ապագա բարօրության համար: Ամենայն շնչավորի հետ մարդկային համերաշխության ու ազգակցության ոգին կամրապնդվի, եթե մենք ապրենք գոյության հրաշքի նրկատմամբ խանդաղատանքի, մեզ պարզևած կյանքի համար շնորհակալության զգացումով և բնության մեջ մարդու զբաղեցրած տեղին համապատասխան համեստությամբ: Մեզ ծայր աստիճան անհրաժեշտ է հիմնական արժեքների վերաբարյալ ձևավորվող համաշխարհային համակեցության համար բարոյական հիմք ապահովող տեսակետ ունենալ: Այդ պատճառով, հույսով միաբանված, մենք սահմանում ենք կայուն ապրելակերպի փոխշաղկապված հետևյալ սկզբունքները՝ իբրև ընդհանուր ստանդարտներ, որոնցով պետք է ղեկավարվի և գնահատվի բոլոր անհատների, կազմակերպությունների, գործարար շրջանակների, կառավարությունների և տրանսազգային սահմանակարգերի գործելակերպը:

## ՍԿԶՐՈՒՆՔՆԵՐԸ

### I. ՀԱՐԳԵԼ և ՀՈԳԱԼ ԱՄԵՆԱՅՆ ՇՆՉԱՎՈՐԻ ՀԱՄԱԿԵՑՈՒԹՅԱՆ ՄԱՍԻՆ

#### 1. *Հարգել Երկիրը և կյանքը իր ողջ բազմազանությամբ:*

- ա. Ընդունել, որ ամենայն գոյածևը փոխշաղկապված է և կյանքի յուրաքանչյուր դրսևորում արժեքավոր է՝ անկախ մարդու համար նրա կարևորությունից:
- բ. Հաստատել հավատ յուրաքանչյուր անհատի անժխտելի արժանապատվության և մարդկության մտավոր, գեղարվեստական, բարոյական ու հոգևոր ներուժի նկատմամբ:

#### 2. *Ընբռնումով, կարեքցանքով և սիրով հոգալ ամենայն շնչավորի համակեցության մասին:*

- ա. Ընդունել, որ բնական պաշարներին տիրելու, կառավարելու և օգտագործելու իրավունքի հետ միասին առաջանում է շրջակա միջավայրին հասցվելիք վնասը կանխարգելելու և մարդկանց իրավունքները պաշտպանելու պարտավորություն:
- բ. Սահմանել, որ ազատության, ուժի և գիտելիքների աճին զուգընթաց պետք է աճի համընդհանուր բարեկեցությանը աջակցելու պատասխանատվությունը:

#### 3. *Կառուցել արդարացի, սոցիալապես միասնացված, կայուն և խաղաղ ժողովրդավարական հասարակություններ:*

- ա. Ապահովել համայնքների կողմից բոլոր մակարդակներում մարդու իրավունքների ու հիմնական ազատությունների երաշխավորումը և յուրաքանչյուրին իր ներուժը լիովին իրացնելու հնարավորության ընձեռնումը:
- բ. Էկոլոգիական պատասխանատվությունը պահպանելով հանդերձ, օժանդակել բոլորին գոյատևելու հուսալի և նշանակալի միջոցների հասնելու հնարավորություն ընձեռնող սոցիալական ու տնտեսական արդարությանը:

#### 4. *Ներկա և ապագա սերունդների համար պահպանել Երկրի առատաբերությունն ու գեղեցկությունը:*

- ա. Ընդունել, որ յուրաքանչյուր սերնդի գործողությունների ազատությունը որոշվում է ապագա սերունդների պահանջմունքներով:
- բ. Ապագա սերունդներին փոխանցել Երկրի մարդկային ու էկոլոգիական համակեցությունների ծաղկումը երկարաժամկետ հեռանկարով ապահովող արժեքներ, ավանդույթներ և սահմանակարգեր:

Այս չորս հիմնական պարտավորությունների իրականացման համար անհրաժեշտ է.

## II. ԷԿՈԼՈԳԻԱԿԱՆ ԱՄԲՈՂՋԱԿԱՆՈՒԹՅՈՒՆ

5. *Պահպանել և վերականգնել Երկրի էկոլոգիական համակարգերի ամբողջականությունը, հատուկ ուշադրություն դարձնելով կյանքի կայունությունը ապահովող կենսաբանական բազմազանությանն ու բնական գործընթացներին:*

ա. Բոլոր մակարդակներում յուրացնել կայուն զարգացման պլաններն ու նորմերը, որոնց համաձայն շրջակա միջավայրի պահպանումը և վերականգնումը ամբողջականացվում է զարգացման բոլոր նախաձեռնությունների հետ:

բ. Երկրի կենսապահովման համակարգերի պաշտպանության, կենսաբազմազանությանը օժանդակելու և բնության ժառանգության պահպանման համար ստեղծել ու պաշտպանել կենսունակ բնական և կենսոլորտային արգելանոցներ, ներառյալ անարատ հողերը և ջրային տարածք-ները:

գ. Աջակցել վտանգի ենթարկված տեսակների և էկոհամակարգերի վերականգնմանը:

դ. Հսկել և ոչնչացնել բնական տեսակների ու շրջակա միջավայրի համար վնասակար օտարածին կամ զենետիկորեն ձևափոխված օրգանիզմները, ինչպես նաև կանխել նման վտանգավոր օրգանիզմների ներմուծումը :

ե. Ղեկավարել վերականգնվող պաշարների՝ ջրի, բնահողի, անտառային մթերքի, ծովային կենդանիների օգտագործումը այնպես, որ չգերազանցվեն նրանց վերականգնման արագությունները և ապահովված լինի էկոհամակարգերի պաշտպանությունը:

զ. Ղեկավարել չվերականգնվող պաշարների՝ օգտակար հանածոների և հեղուկ վառելանյութի հանույթն ու օգտագործումը առանց շրջակա միջավայրին լուրջ վնաս պատճառելու և նվազագույնի հասցնելով նրանց սպառումը:

6. *Իբրև էկոլոգիական պաշտպանության լավագույն միջոց գործածել շրջակա միջավայրին սպառնացող վնասի կանխարգելում և սահմանափակ գիտելիքների կամ անբավարար տեղեկությունների դեպքում լինել շրջահայաց:*

ա. Միջոցներ ձեռնարկել շրջակա միջավայրին սպառնացող լուրջ կամ անդամալի վնասը կանխելու համար մինչև անգամ այն դեպքերում, երբ գիտելիքները թերի ու անավարտ են:

բ. Որևէ գործունեություն առաջարկողին պարտավորեցնել ներկայացնելու ապացույցներ լուրջ վնասի բացակայության վերաբերյալ և նախաձեռնող կողմին համարել պատասխանատու շրջակա միջավայրին վնաս հասցնելու դեպքում:

գ. Ապահովել, որ որոշումներ կայացնելիս հաշվի առնվեն մարդկային գործունեության կուտակվող, երկարաժամկետ, միջնորդավորված, հեռավոր և գլոբալ հետևանքները:

դ. Կանխել շրջակա միջավայրի յուրաքանչյուր հատվածի աղտոտումը և թույլ չտալ ռադիոակտիվ, թունավոր կամ այլ վնասակար նյութերի կուտակումը:

ե. Խուսափել շրջակա միջավայրին վնաս հասցնող ռազմական գործողություններից:

7. *Յուրացնել արտադրության, սպառման և վերարտադրության այնպիսի կառուցվածքներ, որոնք երաշխավորում են Երկրի վերականգնողական հնարավորությունների պահպանություն մարդու իրավունքների պաշտպանություն և հասարակության բարեկեցություն:*

ա. Նվազագույնի հասցնել, վերանշակել և վերաօգտագործել արտադրության ու սպառման համակարգերում օգտագործված նյութերը, ապահովելով էկոհամակարգերի կողմից թափոնների յուրացման հնարավորություն:

բ. Խնայողաբար և արդյունավետ օգտագործել էլեկտրաէներգիան, ավելի ու ավելի ընդլայնելով էներգիայի այնպիսի վերականգնվող աղբյուրների օգտագործումը, ինչպիսիք են արևը և քամին:

- զ. Օժանդակել էկոլոգիապես ընդունելի տեխնոլոգիաների զարգացմանը, ներդրմանը և արդարացի փոխանցմանը:
- դ. Ապրանքների ու ծառայությունների էկոլոգիական և սոցիալական ամբողջական արժեքը արտահայտել վաճառքի գների մեջ և սպառողի համար հնարավորություն ստեղծել արտադրանքը համեմատելու սոցիալական ու էկոլոգիական բարձրագույն ստանդարտների հետ:
- ե. Երաշխավորել վերարտադրողական առողջություն և կարգավորվող վերարտադրություն ապահովող առողջապահության ծառայություններից օգտվելու համընդհանուր հնարավորություն:
- զ. Յուրացնել սահմանափակումներ ունեցող աշխարհում կյանքի որակին և նյութական բարեկեցությանը առանձնահատուկ նշանակություն տվող ապրելակերպ:

**8. *Ջարգացնել էկոլոգիական կայունության ուսումնասիրությունը և օժանդակել ձեռք բերված գիտելիքների անվերապահ փոխանակմանն ու լայն կիրառմանը:***

- ա. Կայունության ոլորտում աջակցել միջազգային գիտական և տեխնիկական համագործակցությանը, հատուկ նշանակություն տալով զարգացող երկրների կարիքներին:
- բ. Ընդունել և պահպանել բոլոր մշակույթների մեջ շրջակա միջավայրի պաշտպանության ու մարդկության բարեկեցության համար օգտակար ավանդական գիտելիքները և հոգևոր իմաստությունը:
- գ. Մարդու առողջության և շրջակա միջավայրի պաշտպանության համար կենսական կարևորություն ունեցող, այդ թվում և ժառանգականության հարցերին վերաբերվող տեղեկությունը դարձնել համընդհանուր սեփականություն:

**III. ՍՈՑԻԱԼԱԿԱՆ և ՏՆՏԵՍԱԿԱՆ ԱՐԴԱՐՈՒԹՅՈՒՆ**

**9. *Արմատախիլ անել աղքատությունը, համարելով այն բարոյական, սոցիալական և էկոլոգիական իրանյայական պահանջ:***

- ա. Երաշխավորել խմելու ջուր, մաքուր օդ, անվտանգ սնունդ, չաղտոտված բնահող, բնակարան և անվտանգ սանիտարական պայմաններ ունենալու մարդու իրավունքները, առանձնացնելով անհրաժեշտ ազգային և միջազգային միջոցներ:
- բ. Երաշխավորել բոլոր մարդկանց կրթահամակարգից ու պաշարներից օգտվելու հնարավորություն, որը անհրաժեշտ է գոյատևման կայուն միջոցներ ապահովելու համար, իսկ նրանց համար, ովքեր ի վիճակի չեն ինքնաապահովման, նախատեսել սոցիալական պաշտպանություն և անվտանգության համակարգեր:
- գ. Ընդունել թշվառներին, պաշտպանել խոցելիներին, օգնել տառապյալներին, նրանց համար ստեղծել իրենց ունակությունները զարգացնելու և ձգտումներին հետևելու հնարավորություններ:

**10. *Երաշխավորել տնտեսական գործունեության և սահմանակարգերի կողմից աջակցություն մարդկային զարգացմանը բոլոր մակարդակներում արդարացի ու կայուն կերպով:***

- ա. Օժանդակել բարիքների ներազգային և միջազգային արդարացի բաշխմանը:
- բ. Ջորեղացնել զարգացող ժողովուրդների մտավոր, ֆինանսական, տեխնիկական ու սոցիալական պաշարները և ազատել նրանց միջազգային ծանր պարտքերից:
- գ. Երաշխավորել առևտրի օժանդակությունը պաշարների կայուն օգտագործմանը, շրջակա միջավայրի պաշտպանությանը և առաջավոր աշխատանքային ստանդարտներին:

դ. Տրանսազգային կորպորացիաներից և միջազգային ֆինանսական կազմակերպություններից պահանջել գործունեության «թափանցիկություն» ի շահ հասարակության, համարելով նրանց պատասխանատու իրենց կողմից կատարվող գործողությունների հետևանքների համար:

**11. *Իբրև կայուն զարգացման նախադրյալ սահմանել սեռերի իրավահավասարություն և փոխհարաբերությունների արդարություն ու ապահովել կրթահամակարգից, առողջապահությունից և տնտեսական միջոցներից օգտվելու համընդհանուր հնարավորություն:***

ա. Ապահովել կանանց ու աղջիկների իրավունքները և վերջ տալ նրանց նկատմամբ ամեն տեսակ բռնության:

բ. Աջակցել տնտեսական, քաղաքական, քաղաքացիական, սոցիալական ու մշակութային կյանքի բոլոր ոլորտներում կանանց ակտիվ մասնակցությանը իբրև լիիրավ գործընկերներ, որոշում կայացնելու ունակ անձիք, առաջնորդներ և շահառուներ:

գ. Անրապնդել ընտանիքները և ընտանիքի բոլոր անդամների համար ապահովել անվտանգություն ու դաստիարակություն սիրո մթնոլորտում:

**12. *Առանց խտրականության պաշտպանել բոլոր մարդկանց արժանապատվությունը, մարմնական առողջությունը և հոգևոր բարօրությունը ապահովող բնական ու սոցիալական միջավայր ունենալու իրավունքները, հատուկ ուշադրություն դարձնելով հիմնաբնականների ու փոքրամասնությունների իրավունքներին:***

ա. Բացառել խտրականությունը իր բոլոր դրսևորումներով, ինչպիսիք են խտրականությունը ըստ մաշկի գույնի, սեռազգայական կողմնորոշման, ռասայական, սեռական, կրոնական, լեզվային, ազգային, էթնիկական կամ սոցիալական հատկանիշների:

բ. Հաստատել հիմնաբնակ ժողովուրդների սեփական հոգևոր ակունքներ, գիտելիքներ, հողեր, պաշարներ և կենսագործունեության ավանդապես կայուն մոդելներ ունենալու իրավունքները:

գ. Հարգել ու աջակցել մեր համակեցությունների երիտասարդ մարդկանց, նրանց հնարավորություն տալով էական դեր խաղալու կայուն հասարակությունների ձևավորման գործում:

դ. Պահպանել և վերականգնել մշակութային ու հոգևոր տեսակետից հատուկ նշանակություն ունեցող վայրերը:

#### **IV. ԺՈՂՎԻՐԱՎԱՐՈՒԹՅՈՒՆ, ՀՐԱԺԱՐՈՒՄ ԲՈՆՈՒԹՅՈՒՆԻՑ և ԽԱՂԱՂՈՒԹՅՈՒՆ**

**13. *Բոլոր մակարդակներում ամրապնդել ժողովրդավարական սահմանակարգերը, ապահովել կառավարման հաշվետվություն ու «թափանցելիություն», ինչպես նաև մասնակցություն որոշումների կայացմանը և արդարադատության մատչելիություն:***

ա. Պաշտպանել յուրաքանչյուր մարդու իրավունքը ժամանակին ու հստակ տեղեկություն ստանալու շրջակա միջավայրի հարցերի և բոլոր պլանների ու գործունեության վերաբերյալ, որոնք կարող են վերաբերվել նրան կամ շոշափել նրա շահերը:

բ. Աջակցել տեղական, տարածքային և գլոբալ քաղաքացիական հասարակությանը, օժանդակել բոլոր շահագրգռված անձանց ու կազմակերպությունների լիարժեք մասնակցությանը որոշումներ կայացնելու գործընթացին:

գ. Պաշտպանել կարծիքների ազատության, արտահայտությունների, խաղաղ հավաքների, միությունների և տարահայացքության իրավունքները:

- դ. Սահմանել վարչական և անկախ դատական ընթացակարգերի հետ առնչության արդյունավետ ու գործուն հնարավորություն, ներառյալ շրջակա միջավայրին հասցված վնասի և այդպիսի վտանգի համար հատուցումն ու բավարարությունը:
  - ե. Պետական և մասնավոր բոլոր կառույցներում արմատախիլ անել կաշառակերությունը:
  - զ. Ամրապնդել տեղական համակեցությունները, նրանց հնարավորություն տալով հոգալու իրենց շրջակա միջավայրի մասին և սահմանել շրջակա միջավայրի պահպանության պարտականություններ դրանց առավել արդյունավետ իրագործումը ապահովող ղեկավարման մակարդակներում:
- 14. Պաշտոնական կրթահամակարգի և հարատև ուսուցման մեջ ներգրավել կայուն ապրելակերպի համար անհրաժեշտ գիտելիքներ, արժեքներ և փորձ:**
- ա. Բոլորին, հատկապես երեխաներին և երիտասարդությանը ապահովել կրթություն ստանալու հնարավորությամբ, որը նրանց թույլ կտա ակտիվորեն աջակցել կայուն զարգացմանը:
  - բ. Խթանել կայունության ուղրտում կրթության մեջ արվեստի, գրականության, ինչպես նաև գիտության ներդրումը:
  - գ. Ուժեղացնել մասսայական տեղեկատվական միջոցների դերը էկոլոգիական և սոցիալական հիմնախնդիրների մասին իրազեկությունը ընդլայնելու հարցում:
  - դ. Գիտակցել կայուն ապրելակերպի համար բարոյական և հոգևոր կրթության կարևորությունը:
- 15. Ամենայն շնչավորին վերաբերվել հարգանքով և կարեքցանքով:**
- ա. Բացառել դաժանությունը մարդկային հասարակության մեջ պահվող կենդանիների նկատմամբ և պաշտպանել նրանց տառապանքից:
  - բ. Պահպանել վայրի կենդանիներին ուժեղ, երկարատև կամ վերացվող տառապանք պատճառող որսի, թակարդով բռնելու կամ ձկնորսության եղանակներից:
  - գ. Առավելագույնս խուսափել կամ բացառել այն տեսակների անհատների որսը կամ կորուստը, որոնք չէին հանդիսանում կատարվող գործունեության նպատակը:
- 16. Զևավորել հանդուրժողականության, բռնությունը բացառող և խաղաղության մշակույթ:**
- ա. Աջակցել ու խրախուսել բոլոր մարդկանց միջև, ներազգային և ազգամիջյան փոխըմբռնումը, համերաշխությունն ու համագործակցությունը:
  - բ. Կիրառել անողորմ ընդհարումները կանխող համապարփակ ռազմավարություններ, իսկ էկոլոգիական տարածայնությունների ու այլ վեճերի կարգավորման և լուծման համար՝ համագործակցության եղանակներ:
  - գ. Ազգային անվտանգության համակարգերը ապառազմականացնել մինչև պրովոկացիայի հնարավորությունը բացառող մակարդակը և ռազմական միջոցները վերակողմնորոշել դեպի խաղաղ նպատակները, այդ թվում նաև դեպի էկոլոգիական վերականգնում:
  - դ. Վերացնել միջուկային, կենսաբանական, քիմիական և մասսայական ոչնչացման զենքի այլ տեսակները:
  - ե. Ուղեծրային ու կոսմիկական տարածությունը օգտագործելիս ապահովել շրջակա միջավայրի պաշտպանությունը և խաղաղությունը:
  - զ. Գիտակցել, որ խաղաղությունը ամբողջականություն է, ստեղծված արդարացի վերաբերմունքով ինքդ քո, այլ մարդկանց, այլ մշակույթների ու կյանքի, Երկրի և մի հսկայական միասնության նկատմամբ, որի մասնիկը մենք հանդիսանում ենք.:

## ԱՌԱՋՆԹԱՑ

Ընդհանուր ճակատագիրը, ինչպես երբեք պատմական անցյալում, մեզ կոչ է անում որոնել նոր սկիզբ: Նման բարեփոխում խոստանում են Երկրի Զրովարտակի սկզբունքները: Այդ հեռանկարին հասնելու համար մենք պետք է պարտավորվենք կիրառել Երկրի Զրովարտակի արժեքներն ու գաղափարները և սատարել նրանց:

Դա պահանջում է հոգու և մտածելակերպի փոփոխություններ: Դա պահանջում է գլոբալ փոխադրվածության և համընդհանուր պատասխանատվության նորովի գիտակցում: Տեղական, ազգային, տարածաշրջանային և գլոբալ մակարդակներում մենք պետք է ստեղծագործաբար զարգացնենք ու կիրառենք կայուն ապրելակերպի հայացակարգը: Մեր մշակութային բազմազանությունը անզուսպ հատելի ժառանգություն է, և տարբեր մշակույթները կգտնեն այդ աշխարհայացքի իրացման իրենց ուրույն ուղիները: Մենք պետք է խորացնենք և ընդլայնենք Երկրի Զրովարտակի կողմից նախաձեռնվող գլոբալ երկխոսությունը, քանի որ դեռևս շատ բան ունենք սովորելու ճշմարտության ու իմաստության համատեղ որոնումների ընթացքում:

Չաճախ կարևոր արժեքների միջև ծագում է լարվածություն: Դա կարող է բարդացնել ընտրությունը: Այնուամենայնիվ մենք պետք է ուղիներ գտնենք ներդաշնակելու բազմազանությունը եզակիության հետ, ազատության օգտագործումը հասարակական բարօրության հետ, կարճաժամկետ խնդիրները երկարաժամկետ նպատակների հետ: Յուրաքանչյուր անհատ, ընտանիք, կազմակերպություն և համայնք պետք է կենսականորեն կարևոր դեր խաղա: Արվեստը, գիտությունը, կրոնը, կրթահամակարգերը, մասսայական հաղորդագրության միջոցները, գործարար շրջանները, ոչ կառավարական կազմակերպությունները և կառավարությունները – սրանք բոլորը կոչված են առաջարկելու ստեղծարար ղեկավարում: Կառավարության, քաղաքացիական հասարակության և գործարար շրջանների համագործակցությունը էական է արդյունավետ ղեկավարման համար:

Կայուն համաշխարհային համակեցություն կառուցելու նպատակով աշխարհի ազգերը պետք է վերահաստատեն իրենց պարտավորությունները ՄԱԿ-ի հանդեպ, կատարեն իրենց պարտավորությունները գոյություն ունեցող միջազգային համաձայնագրերի սահմաններում և սատարեն Երկրի Զրովարտակի սկզբունքների իրագործմանը շրջակա միջավայրի ու զարգացման ոլորտում պարտադիր միջազգային իրավական մեխանիզմների միջոցով:

Թո՛ղ մերը լինի այն ժամանակը, որը կհիշվի իբրև կյանքի նկատմամբ հարգանքի վերականգնման, կայունության հասնելու վճռականության, հանուն արդարության ու խաղաղության պայքարի խթանման և կյանքի ցնծալի հաղթանակի ժամանակաշրջան: